



**Kat. Komp.**

**915364**

**Mag. St. Dr.**

**III**

16458





Medaillon-Stempel No. 15

Vergoldet.

Form mit Pferdeköpf M 10  
vernickelt



197 372  
P O R T U S

Meritorum & Gloriae,

In

Avita P O R T A

ILLVSTRISSIMI ac REVERENDISSIMI  
DOMINI

D. LUDOVICI CAROLI

*De Kozielsk*

O G I N S K I

*DE I, & Apostolicæ Sedis Gratiâ*  
Episcopi Smolenscensis  
Canonici Vilnensis, Præpositi Bobroyscensis &c.  
O B S E R V A T U S

*Atq;*

Inter Fortunatissima,

*Pontificiæ ad easdem Insulas Inaugurationis solennia,*

E publico Palæmonij orbis Voto,

*Inter gratulatorios applausus,*

Panegyrico Stylo

C E L E B R A T U S

*Ab*

Universitatē Academicā Vilnensi Societatis IESU

*Anno*

*In Divini Sanguinis Erythro, ad immortalis P O R T U M*  
*Gloriæ enatantis Vniuersi, 1718.*

V I L N Æ, Typis Academicis Societatis IESU.



In Ducalem PORTAM Antistitis Illustrissimi.  
*Attollite PORTAS Principes Vestras, & elevamini PORTÆ aeternales,  
 & introibit Rex Gloria. Quis est iste Rex Gloria? Psal: 23.*  
 REGES Sacrorum sunt ANTISTITES Neot;



I.

Aurea, quam spectas, PORTA est OGINSKIA! CLEMENS  
 Quid? Iubilæum an non hic celebrare parat?  
 Sic est. Ergo simul, sacri pròperetis Honores,  
 Insimul hæc cunctis, Aurea PORTA patet.

II.

PORTA patens esto, subeuntes cernis Honores:  
 Quid, si fata ruant? claudere PORTA celer!





AD  
ILLUSTRISSIMUM  
Ac  
REVERENDISSIMUM  
PRÆSULEM.

**P**atescente ultrò hodie, ad ingressum Honori Pontificio, Celsissimæ Tuæ Domûs Ducali PORTA, imò eâdem, inter auspiciatissima ad Smolenscenses Insulas, Inaugurationis Tuæ solennia, in PORTVM Virtutis, Meritorum, & Gloriæ abeunte, etiam pedisequam Honoris umbram, inter festos hodiernæ splendores lucis,

A<sub>2</sub>

pati-



patieris Facundiam subintrare. AN-  
 TISTES ILLVSTRISIME.  
 Vtut nimirum illa, pullo atratæ sepiæ  
 instructa compareat apparatu, nequa-  
 quam tamen, Serenitati bodiernæ Pom-  
 pæ officiet; quia derivatum atrorem in  
 se, à paucarum linearum umbrâ, albi-  
 cantium paginarum, imò magis obsequio-  
 si candore officij & affectûs temperatura:  
 festiuos gratantium animorum plausus  
 non turbabit, multò minùs præpediet;  
 quia laconicâ, vix aliquot periodorum  
 dictione, eisdem consultura. Vna est nibi-  
 lominus, quam sibi ad obscuritatem ignobi-  
 lem, umbratilis hic, suadæ & ingenij  
 partus, appingi veretur notam, ex eo,  
 quòd de LVDOVICO, non (ut par e-  
 rat) rosas loquetur & lilia; de Magno  
 re & Nomine, in Patriam Meritis, in  
 Religionem Virtute, & Pietate CA-  
 ROLO, vix pauca, & illa parva dun-  
 taxat evulgabit; deniq; de ILLV-  
 STRIS-



STRISSIMA Ducali OGINSICIO-  
 RVM Prosapia, non satis præclare  
 forsitan aget, ut debuit. Verum dabis  
 veniam, gratiamq; Præsulum Gratiane  
 Gratosissime; neq; minus parcæ in Elogia  
 Svadæ, quàm Tuæ parces Modestiae;  
 quâ, hodiernam Tuæ Inaugurationis  
 Pompam, propè ad istam diem, latere  
 proculdubio voluisti, ut centoculum alio-  
 qui induta Argum, ad hujusmodi gratula-  
 torios applausus Universitas Academica,  
 nequaquam tamen illam perspicere valuisset.  
 Parces proinde etiam ANTISTES  
 Maxime, tenuitati operis verè extem-  
 poranei; cujus Virtutes, Merita, & au-  
 gusta facta, sæculorum, jam hodie etiam,  
 exæquant fastos. Attolles tamen, eri-  
 gesq; in hodierno ascensu Tuo, humi  
 reptantem stylum, vel certè, si placuerit,  
 Pontificio Tuo calcaneo proteres San-  
 ctior Perseus, ut quod calcaveris, rosa  
 fiat. Quanquam sperare licet, quòd  
 B Præ-



Præsuleam quoq; protendes dexteram,  
 postquam deprehenderis, paucos hos, ve-  
 stigiali censu & cultu, aliquot foliorum,  
 Tibi oblatos flores, nullis affectatæ Sva-  
 dæ horrere lenocinijs, nullis assentatri-  
 cis Facundiæ vepribus asperari: Vera  
 enim omninò esse, illa necesse est, quibus  
 fingendis, tempus defuit. *Puteanus.* Quid-  
 quid proinde tenue, quidquid exile, at-  
 que minutum, in succedanea Panegyri  
 est, jam Tuis Pontificijs PRÆSVL  
 Maxime grandescat à manibus, donec  
 è voto Societatis minimæ (cujus hîc Sva-  
 da agit internuntium) grandibus Tuis  
 Meritis, & Virtutibus, pares tituli, titu-  
 lis ætatum lustra, utrisq; sequioris for-  
 tunæ, atq; fatorum expers, ANTI-  
 STES perennaturâ æternitate Di-  
 gnissime, correspondeas.

Ita precatur

Illustrissimo Tuo Nomini, & Honori,  
 Devotissimum Collegium Academicum Vilnense  
 Societatis JESU.





# P A N E G Y R I S.

**N**on tam è tumefcentibus cognatæ Balthidis, quàm de vertiginosis, ineluctabilium pene fatorum vorticibus, quassata toties, totiesq; jam propè naufraga, emerge aliquando, publicæ Felicitatis bajula, Lechicæ Fortunæ Argo, hodie tandem, in Ducali **OGINSCIORUM PORTA**, fortunatissimum proculdubio ( sic enim inter optimè ominata, **PRÆSULIS ILLUSTRISSIMI** Inaugurationis solennia, augurari licet ) repertura **PORTUM**. Absterge, non tam à falsa æstuosi maris, quàm ab amara procella la-



chrymarum, pupillam obrigescentem,  
inter publica, tripudiantis Gediminiarum  
Urbium Metropolis hujus hilaria; deniq̃;

*Mæstum gemitu pectus, & hispidis*

*Frontem nubibus expedi,*

*Cum sol non solito lumine riserit:* Sarb: l. 1. Ode 2.

Imò quando non unus Sol, verùm bif-  
gemini ( in majalibus adhuc Geminis,  
stationem continuante Phœbo ) grandia  
scilicet Orbis Sarmatici, & Ecclesiæ Lu-  
minaria **ANTISTITES ILLUSTRIS-**  
**SIMI**, hoc est Sacrorum Reges, ac pro-  
inde Lechici Regni Soles, serenitatem Ti-  
bi portendunt ac malaciam. Nescio,  
quidnam præfagiêrint, ternæ simul, sub  
Domicio Arimoq̃; Consulibus, exortæ  
lunæ? quid rursus sub Postumio ac Mi-  
nutio Romanis Quiritibus, tres unâ vi-  
si meridiantes soles? certè hodie, si ve ge-  
minas duorum Illustrissimorum, Confe-  
cratorum Tuorum **LUNAS**, Tuamq̃;  
tertiam, Lunæ instar effigiatam **POR-**  
**TAM** suspicimus, si ve ad quaterna si-  
mul, primæ magnitudinis in Orbe Palæ-  
monio Lumina, præfagam palpebram re-  
fle-



flectimus, ex utroq; hoc fortunato, tan-  
 torum concursu Luminum, communis  
 faustitatis, nequaquam possumus, fau-  
 stum non formare prognosticon. Verùm  
 quid agis Svada: usq; festinè adeò, sed non  
 festivè, à PORTU Felicitatis publicæ,  
 observato in Celsissima Neo-Consecrati  
**PRÆSULIS ILLUSTRISSIMI POR-**  
**TA,** recessisti? tam inconsultâ pennâ, in  
 sublime tantorum simul Luminarium e-  
 volâsti? metuendum est sanè Tibi! ne vel  
 cum Icaro, ambustis alis, in præceps dela-  
 baris, vel (quantùmvis Aquilarum polle-  
 res acie) à talium nihilominus splendo-  
 rum majestate opprimaris. Et verò, ve-  
 rèq; simul, dum sollicita, ad **PORTUM**  
 hodiernæ præfixum Pompæ, reflectit se  
 Eloquentia, relabi se penitus, totoq; cir-  
 cumfundi, novus hic Icarus deprehendit  
 Oceano. Sive nimirum immensam Vir-  
 tutum Tuarum, **ANTISTES** Maxime,  
 contemplatur vastitatem, sive Celsissimæ  
 Tuæ Profapiæ, in Rempublicam, Patriam  
 universam, atq; Ecclesiam, magnitudi-  
 nem suspicit Meritorum, sive deniq; e-

C

jusdem



jusdem Meritis fæderatæ Gloriæ, & Honorum expendit amplitudinem, meritò hic, cum Pontano cogitur exclamare Vate:

*Omnia, Pontus erat; deerant quoq; littora Ponto!*

*Metamorph: l. 1.*

Patieris attamen, hâc tergemina vastitate grandescentem Tuum, Tuæq; Domûs Illustrissimæ Oceanum lustrari hodie, & in angustias temporis redactæ pennæ, angustis terminis circumscribi. Si etenim, vix palmarem quondam in tabulam, sese contrahi ab Apelle, tota Gigantum permisit turba, si in annularem exiguam Pyrrhi sphæram, integer cum Apolline Parnassoq; bicolli, Musarum chorus passus est coarctari, si deniq; ipse Hypponenfis Præsul, innocentem Angelico in Iuvene confessus culpam, mare amplissimum, arctæ scrobis angustijs concludere præsumente; quidni etiam innocenter, exilis Facundia, simile quidpiam hodie auderet attentare, unâ ferme in pagina, Tutorum decorum, atq; Honoris majestatem, uno prope in folio, Mappam veluti utriusq; Orbis, Sarmatici nempe & Palæ-

monij



monij, Ducali Tuæ Domui, Erythræo  
Sanguinis Senatorij undiq; circumfusæ,  
Colligationis nexu arctissimo fæderati,  
tantò gratiùs, quia unico simul sub aspe-  
ctu, positura.

Te tamen primùm hac in mappa, Illu-  
strissimis Tuarummet Virtutum, quan-  
tùm potuit, non qualiter debuit, adum-  
bratum proponet coloribus, non tam  
depretiatiuæ Tuæ modestiæ, quàm orbis  
universi appretiandum iudicio. Ite jam  
oratoriæ in penicillos pennæ, sepia in  
cynnabarim, & in colorem candidissimum  
atramentum, inter cætera Virtutum de-  
cora, candorem mentis Pontificiæ testa-  
turum. Equidem suæ quisq; ut vitæ, sic  
imaginis Apelles est, moribus illam de-  
pingens pulchriùs, quàm coloribus: ve-  
rùm, quotumquemq; probatum hac in  
arte Parrhasium reperias, qui à nulla, re-  
cti honestiq; exeret linea? Assimulat ni-  
mirum quispiam Narcissum vultu, sed  
deformem refert Tersitem in animo; al-  
ter in fronte Hippolytum, sed mollio-  
rem quandoq; Paridem in mente pingit;



gerit alius Achatem in ore, sed non rarò Ulysssem in corde: jactant pleriq; tandem Gratianum, amoremq; Patriæ Scævolum in dextera, sed Neronem, & proditorem Zopyrum, eodem recondunt pectore: usque adeò fors hæc nulli pene concessa viro, qui à primis lineamentis vitæ, ejusdem simulacrum, virtutum omnium effingat ad prototypon. Soli hanc spartam Tibi, Superos crediderim reservâsse, ut sparsam per plures, compositissimorum symmetriam morum, distractaq; sigillatim in multos decora Probitatis, in Te transferres unum, & quæ divisa beatos efficiunt, collecta possideres; utpote qui unus, in normam virtutum omnium, unus in ideam univerforum, formabaris; verbo, qui à prima ferme Tuæ ætatis luce, ad hodierni Honoris augem, in quam jam Magnum Ecclesiæ Luminare constitisti (brevi in hoc ipso zodiaco, ad vota publica, altiores conscensurus gradus) Superum destinabaris suffragio. Enimverò si quondam licuit ex Ambrosij apibus præfagire, uti melleo Ecclesiam eloquio recre-



recreandam, sic in monstra hæreseon, fatalia ab eodem torquenda spicula; si libuit ex audito concentu Angelico, futuram, nascentis tum Kentigerni, virtutum vaticinari harmoniam; si tandem ab ipsis Præfulis Heriberti, cælesti luce circumfusus cunis, novum Religioni orthodoxæ concessum est augurari lumen; certè paria, Palæmonia quoq; Universitati placuit de Te formare omnia, vel in prima tum adhuc Tuæ aurora vitæ, quantum in ætatis ac Pontificij Honoris meridie, universæ Ecclesiæ fulgorem accensurus eras, novus nostri sæculi Fulgentius. Implevisti jam hodie, præfaga olim oracula Academi, qui virtutis omnigenæ, clarè in Te promicantes contemplatus igniculos, illudq; depromens vaticinium:

*Apparet, quid signa ferant: ventura potestas*

*Claruit Ascanio:*

Claud: de 4. Conf: Hon:

illico Protasevianæ gratulabatur Cyrtiæ, Solem sub ea Pontificum educari. Coronasti fausta omnia etiam literariæ Reipublicæ, ipse Corona Scientiarum, quas ita in pectus amoris regiam admisi-

D

sti,



fti, ut easdem Tui capitis faceres inquilinas, unà hodie cum eodem, Mitrâ Pontificiâ coronandas. Ominabantur equidem parem honorem sibi, non Tullianæ tantum Apollineæq; lauri, sed Philosophicæ quoq; & Theologicæ adoreæ, ideoque ambire eruditam exambiebant frontem, nisi ultimas, utcunq; Te reluctante, Sacer prævertisset Honor, pro Doctoralis byllo Epomidis, Canonicâ Purpurâ ejus humeros investiens, qui Atlas olim & Columnen Ecclesiæ futurus erat; jamq; tunc, præfago Murice novum Sacris Regem consignans Candidatum, cujus Præfuleam dexteram hodie, pro aureo Regnantum sceptro, Pastoralis auctoravit Scipione, pro sphærico Regum Pomo, Pontificio annulo, Gemmam Pontificum figillavit. Nemo tamen Honori succensendum inde existimet: novit nimirum ille, quibus, quæsitus per ardua, & per aspera vestigatus, se sistat tandem, quibus ipse, ne cogitatus quidem, & ante tempus occurrat ultrò; novit, quos fugere sequentes debeat, aut sequi fugientes; novit



vit deniq; Penates alios per transfennam  
 veluti, hospes invifere, alios incolere æ-  
 ternus inquilinus. Certè hodie, quisquis  
**OGINSCIANAM PORTAM** suspexe-  
 rit, meritò illam, Honori hospitalem  
**PORTUM**, fidamq; dixerit stationem,  
 ex qua vel prodire duntaxat, est in Portu  
 Dignitatum consistere, imò ab ipsa na-  
 scendi forte vix incipere frui concessâ  
 luce, non aliud est, quàm reddi Illustrissi-  
 mum. Ardent scilicet etiamnum ad do-  
 cumentum veritatis, vel inter fatorum  
 umbras ferenissimè, illa Ducum Severiæ,  
 Kijoviæ, Czèrnihovïæ, Præjasslaviæq; in-  
 extincta Lumina; fulgent Illustrissimæ,  
 Ducum **DRUCCIORUM, TVEREN-**  
**SCIORUM, CZETVERTYNSCIO-**  
**RUMq;** Cæræ, omnes olim, optatum Pa-  
 triæ, inter iniquæ Fortunæ nubila, solitæ  
 adferre fudum. Sed quid, pridem inse-  
 pultos mortalitatis cineribus, splendores  
 excitamus? quando intaminatis effulgent  
 Honoribus, hodieque, in Illustrissima **O-**  
**GINSCIANA** semper utiq; Triumphali  
**PORTA**, tot Mitrata, Principum



cilice t, Ducumq; in Mścislaw, in Kozielsk,  
 in Korec, in Ostrog, in Klewan Decora;  
 tot ab Ostro Senatorio, Ducum Lati-  
 clavijs, Togâ Pacis, & Sago Belli, Martia-  
 libusq; ignibus clarissima, tot à signatorijs  
 Regni, Magniq; Duc: Lit: Gemmis splen-  
 didissima, à Serenissimi quoq; Tribunalis  
 Mareschalcali Scipione, Serenissima No-  
 mina, in Senatu Numina, in Patriæ fide-  
 reo Lumina. Inprimis tamen & maxi-  
 mè (ut cæterorum Tuorum Splendores  
 Aboriginum, connivente pupillâ venere-  
 mur) resplendet vivis adhuc ignibus, in  
 Te, à Meritis & Virtutibus **ANTISTES**  
**Clarissime**, Par conspicuum, Illustrissimo-  
 rum in Republica Luminarium, hoc est  
 Illustrissimi Progenitores Tui, **NICO-**  
**LAUS FRANCISCUS OGINSKI**, pri-  
 mum Mareschalcus Wolkowyscensis,  
 brevi Ensifer & Thesaurarius Curiae M.  
 D. L. tandem Castellanus Trocensis, sem-  
 per Colonellus S. R. M. & Capitaneus  
 Radofzkowiensis, &c. nec-non Illustrissi-  
 ma **CATHARINA OGINSKA KOP-**  
**CIOWNA**, Digni, immortalis terris afful-  
 gere



gere luce, nisi Ille volente cælo, per paten-  
 tem Avitam **PORTAM**, hæc, fuismet  
 succisa Falcibus, ad perennes Divorum  
 splendores transire elegissent. Subiêre er-  
 go equidem, paralella hæc Sarmatici Poli  
 Lumina occasum vitæ, fulgent ut dictum  
 nihilominus, in primis in Te, æterno Ho-  
 norum meridie Præsul Dignissime, Maxi-  
 mumq; de tantis luminibus Ecclesiæ illu-  
 strandæ Lumen! fulgent & in posthumo,  
 magnæ spei fidere, minorenni Fratre Tuo  
**ANTONIO**, Capitaneo Radofzkowiensi  
 & Berznicensi, hodie ad Tribunal M. D.  
 L. Judice Deputato; imò mutatâ naturâ  
 Luminum, vernant etiam in Illustrissima  
**ROSA KRASINSKA**, Castellana Flo-  
 censi, Capitanea Varfaviensi; vernant, verq;  
 æternum habent, in geminis, cælo gratissi-  
 mi odoris Floribus, Vilnæ hîc ejus Virida-  
 rio implantatis, quæ est, & dicitur Hortus  
 conclusus, Virginis à Visitatione, semperq;  
 Beatissimæ; florent tandem in ultima, pri-  
 mævæ ætatis flore, **FRANCISCA**, flo-  
 rebuntq; tamdiu & fulgebunt, donec

*Terra feret stellas, cælum findetur aratro,*

*Vnda dabit flammæ, & dabit ignis aquas.* Ov. l. 1. Trist. El. 7.

E

Non



Non excito hîc, ad Martialis clangorem  
 tubæ forsitan surrecturum, verè Mar-  
 tem Sarmatiæ, Illustrissimum GREGO-  
 RIUM OGINSKI Capitaneum Samogi-  
 tiæ, primùm Campiductorem, mox Ma-  
 gnum etiam M. D. L. Ducem; si Pacis  
 consilia poposcisses? Marcellum, si Belli?  
 Fabium, neutrobiq; Cunctatorem: in Ar-  
 mis tamen vel maximè, etiam ab hoste  
 semper illam admirationem promeri-  
 tum:

*Prô! quantus armis? quantus in arduum*

*Assurgit ensem? quantus hastâ*

*Per Goticas - - phalangas*

*Exultat!*

*Sarb: l. 4. Od: 29.*

utpote qui pro incolumitate atq; inte-  
 gritate Patriæ, illam ore & pectore alter  
 Pompejus semper gessisset tesseram:

*Me solum queso, me toti opponite bello.* Luc:

Non turbo quietos Manes Achillis Pa-  
 lamonij, re & vocabulo Equitis GEOR-  
 GIJ germani Tui; cujus excelsæ menti  
 postquam illud Senecæ infedisset: *Magnos*  
*natura nos produxit, deditq; excelsum spiritum, quæ-*  
*rentem ubi honestissime, non ubi tutissime vivat, certè*  
 sui Tuiq; Patruï (si permisissent fata) glo-  
 riam



390.  
riam exæquaret; commune cum eodem,  
modò quoq; meritis elogium:

*Non segnius ambo,*

*Æneas, Turnusq; volant per prælia:* Æn: 12.

*Ambo animis, ambo insignes præstantibus armis.* Æn: 11.

A pijs Manibus functorum vitâ, ad eos  
jam penna revola, quorum spiritu ho-  
dieq; feliciter Patria animatur: & quia  
vel ipsa **OGINSCIANI** Nominis in an-  
gustias redigeris majestate, volante stylo  
eorum percurrere Album, quibus jam nunc  
quoque, vix fasti sufficiunt sæculorum.  
Primus est Illustrissimus **CASIMIRUS**  
**OGINSKI** Palatinus Trocensis, amore  
in Patriam Curtius, in Senatu authorita-  
te Cato, Confus consilij, totiesq; à Lechi-  
ci Poli Jove, in omnium commoda, affli-  
ctæq; spei solatia, semper fidus, ad Ori-  
entem Mercurius. Alter Illustrissimus  
**MARTIANUS OGINSKI** Castellanus  
Vitebscensis; cujus si merita spectes in  
Rempublicam, omnes in uno Fabios nu-  
merabis; si consiliorum pondus in Curia,  
certiora quàm de Tripode audies oracu-  
la, si deniq; sancita in Areopago, redivi-



vum Lyncurgum & Aristidem credes, Dignum certè, cui Palæmonia Themis, secundissimâ nunc jam vice, cum Marschalcali Scipione, ponderatrices æquitatis bilances concrederet. Addit huic pro suæ sparta gratitudinis Collegium Vitebscense, & in eo Univerſa Societas IESU, liberali ſymbolâ in erectionem novæ Basilicæ obligata, illud votum: ut, quanto ſtructura hæc ſurget pulchrius, tanto **OGINSCIANUM** ſublimius, immortalis Honor Nomen ad aſtra ferat. Augent **OGINSCIANÆ** Gloriæ majeſtatē, Illuſtriſſimus **BOGUSLAUS OGINSKI** Marschalcus Caunenſis, geminaq; illa, veluti Lædæ ſidera, **IOSEPHUS & MICHAEL OGINSKI**, ille Gorzdoviensis, hic Stokliſcensis Capitanei, claram uterq; olim in Honorum zodiaco, Patriæ accenſurus diem. Utut verò cætera Illuſtriſſima, Svadæ tamen ignota Nomina, claudantur ad cultus tacitos Avitâ **POR-TA**, illud tamen tacere nefas, Nomen & Numen Patriæ, ſuis Meritis vocaliſſimum, Illuſtriſſimum inquam **LUDOVICUM**



**CUM POCIEY** Castellanum Vilnen-  
sem, Magnum M. D. L. Ducem, Tuum  
Patrum **ANTISTES** Illustrissime.  
Iactet Sospitatores suæ felicitatis Roma  
Æmilios & Camillos, stupeat Martialis  
miracula Fortitudinis in Pompejs ac Sci-  
pionibus, prædicet tandem per totum  
quæ patet orbem, publicæ Parentes Pacis  
Titos & Augustos, omnes hos, suo sub  
**AUGUSTO** semper Secundissimo, habet  
in uno Lechia **LUDOVICO**, habet insu-  
per Fatorum moram columenq; Regni,  
quo stante, illa quoq; æternùm stabit,  
dummodò æternum hoc conservent Su-  
peri Caput inviolabile fati. Accedit ad  
Fraternarum confortia laudum Illustris-  
simus **CASIMIRUS POCIEY** Palatinus  
Vitebscensis, Grande & illud Meritis,  
grande Consilij Caput; cui ut grata Pa-  
tria, & singulariùs Societas Minima, Col-  
legij Vitebscensis nomine (quod speciali-  
bus fovet gratijs, notabiliq; in novam  
Domûs Divinæ fabricam obstrinxit libe-  
ralitate) refundat vicem, non tam inani-  
mis marmoribus, quàm semper gratitu-  
dine



dine Cordibus animandis inarat votum:  
 Mecænas annis Marmora vince Tuis!  
 Cæterùm, prætervolat hìc consultò pen-  
 na, Colligatarum proximè, imò etiam  
 arctissimo Sangvinis junctarum nexu, quà  
 Sarmatico, quà Palæmonio Clarissima-  
 rum orbe Familiarum Decora; ne scilicet  
 uno radio Solem, uno Olympum ato-  
 mo, unà deniq; OGINSKIANÆ Prosa-  
 piæ vastissimè diffusum Oceanum, sepiæ  
 guttâ velle depingere videatur, temera-  
 rij ausus minimè profectò evitatura no-  
 tam, si compingere attentaret, ægrè  
 utiq; levi hâc paginâ, vel nuda duntaxat  
 eorum Nomina capienda, quorum gran-  
 dia merita, totus Lechico-Littalanus vix  
 capit Orbis.

Metire interim ANTISTES Illustris-  
 sime, ex hac Panegyrica umbra, Splendo-  
 rem Tuæ Ducalis Domûs; cùmq; jam au-  
 spicatò, è Celsissima PORTA Tua, Pha-  
 rum Tibi in Avitis Splendoribus accen-  
 dente, in Pontificij Honoris PORTUM  
 descenderis, tandem dispice, cui hanc  
 Tuam Fortunam debeas; Sangvini Sena-  
 torio?



torio? an ad Purpuras natæ planè Virtuti  
 Tuæ, Litvani Orbis hodie **SENATOR**  
 Dignissime. Certè utrumq; crediderim;  
 decidat id nihilominus Illustrissimus, Ex-  
 cellentissimus, ac Reverendissimus **CON-**  
**SECRATOR** Tuus, in orbe Palæmonio  
 Senatorum Primas, Pastorum Pastor, &  
 Pontifex tot Pontificum, re ac Nomine  
 semper Maximus **CONSTANTINUS**.  
 Equidem debebatur pridem hodiernus  
 Honor Ducali **OGINSCIORUM**  
**PORTÆ**, nunquam tamen eam hæte-  
 nus nactus est hospitalem; non quòd tan-  
 tæ Majestatis illa non esset capax, sed  
 quòd fortassis viam ultrò præcluderet,  
 solo hoc suæ demissionis titulo (si tamen  
 fas est dicere) urbana minus. Primus Tu  
 illam hodie **ANTISTES** Dignissime, diu  
 utiq; jam pulsanti Honori Sacro referâ-  
 sti, patentibusq; Ianuis Hospitem exce-  
 pisti, Avitæ **PORTÆ** Hæres humanissi-  
 mus. Quis verò eam describat pompam,  
 eumq; comitatum, quo stipatus, venienti  
 Hospiti obviam processisti? Præmisisti  
 antesignanam certè in illius cultus pro-



fundissimam Demissionem Tuam; prope hanc, submissò vultu oculisq; Modestiam submisisti, quæ, dum ipse tandem procederes Hospitis in occursum, grato interrim illum politissimæ urbanitatis distinerent officio. At ubi ipse hodie movisti etiam, quanta hîc Majestas? Occupabat nimirum Pontificios oculos Vigilantia Pastoralis, genas purpureus Pudor, Muricis nempe Senatorij pingens Te Candidatum. Visebatur in Fronte Majestas, in Lingva Facundiæ Divinæ lepos; in gestu cernebatur Authoritas, in Dextra Liberalitas, Activitas in Sinistra: stipabat dextrum latus Prudentia, sinistrum Fortitudo, antè retròq; cingebat vigil in omnes partes Perspicacia; de Corde promicabat Divini Honoris zelus, & Patriæ Amor de pectore; in toto denique, stipantis Regina comitatûs, relucebat Virtus specie augustissimâ. Stupefactus pene ad tam insolitam Pompam Honor Pontificius, tantamq; Tuam Majestatem demiratus, primùm ingemuit, quòd non citiùs, pulsanti sibi, Ducalis PORTA magnis olim



olim patefacta Triumphis, reclusa esset;  
 mox Tibi PRÆSUL Dignissime, sibi-  
 que gratulatus, ea tandem impleta vota,  
 quæ istam ad usq; diem Superi differe-  
 bant, hoc est in Celsissimæ Tuæ Domûs  
 Ducali PORTA, PORTUM stationem-  
 que fidam ac perennem se reperisse. Et  
 hæc est quidem decisio, hoc judicium  
 de Præfuleo Honore Tuo Illustrissimi  
 CONSECRATORIS Tui, aliorumq;  
 duorum, eidem Pompæ Afsistentium.  
 At quale vicissim de illis Tuum? ac præ-  
 fertim de primo, imò Primate omnium  
 Littalani Orbis Pontificum? Audio, cre-  
 doq; inprimis, toto pectore, congesta in  
 Te tot laudum encomia, in ipsum Fon-  
 tem Gratiarum, & alterum nostri sæcu-  
 li GRATIANUM CONSTANTI-  
 NUM refundentem, addito illo voto:

*Tarda sit illa dies, & nostro sævior ævo,*

*Quâ Caput augustum, quem temperat orbe relicto,*

*Accedat cælo, faveatq; precantibus absens.* Ov. l. 15. Metam:

Jam verò ad Tuum MISINOPOLITA-  
 NÆ Infulæ Honor, Magni CON-  
 STANTINI ut non impar laboribus sic

G

Ho-



Honoribus **COADJUTOR** Dignissime,  
 M. D. L. Referendarie & Suffraganee  
 Meritissime, respiciens Salutiferum **SA-  
 GITTÆ** Sidus, utpote quod sublime  
 volat, nec tamen ullum vulnerat, tale il-  
 li, Tibiq; efformat omen:

*Ibis, quâ celer Hercules & Evan,  
 Ultra sidera, flammeumq; solem,  
 Et Nili caput, & nives Athlantis!  
 Et laudum cumulo Beatus omni  
 Scânder*

Stat: l. 4. Syl: 3.

Ad Tuam demum, Hierapolitanæ Cathe-  
 dræ Gloria, M. D. L. Notarie, & Albæ  
 Ruffiæ **SUFFRAGANEE** Dignissime, re-  
 flectens sese Infulis Coronatam in **AR-  
 MIS LUNAM**, vovet candidissimè:

*Omni detectus pectora nube*

*Finem Nestoriæ, precor egrediârè senectæ.* Stat: l. 1. Sylv: 3.

Et hic est tandem, in Celsissima Tua  
**PRÆSUL** Illustrissime, Ducali **POR-  
 TA**, Fortunatus Tuorum Meritorum  
 atq; Pontificij Honoris **PORTUS**; ad  
 quem & pedestri quodammodo viâ, an-  
 tesignanâ semper, semper Duce, comiteq;  
 Virtute, & Purpurato Senatorij Sangvi-  
 nis Erythræo pervenisti, Feliciorq; Jason  
 hodie



hodie imò & Sanctior, quia non somnia-  
 tum Colchide Vellus, sed Cælo concolo-  
 rem Purpuram à Pontificij auro Annuli  
 fulgentissimam invenisti. Quiesce in illo  
 jam fortunatè tandem (si tamen vel i-  
 psam Te quiescere **OGINSCIANUM**  
 patietur Nomen, cujus utique, sicut &  
 illi assymboli cognominisq; planè Ignis  
 altera natura est, ferri continuò in subli-  
 me) & vel unum Laconico applausui  
 momentum dona. Habes inprimis hîc,  
 collecta undiq; in Cor Litvaniæ, hanc  
 Metropolim populorum vota; quibus  
 dum Pontificiam impertis Benedictio-  
 nem, audi hæc ab ore omnium, è pectori-  
 bus singulorum: Postquam in **PORTU**  
 Honoris Præfulei constitisti, Vitæ à Por-  
 tu nunquam, nunquam à nobisq; recede.  
 Advolat quoq; cum suo Armato Equite,  
 felicior Tolosânâ, quæ solum habuit **LU-**  
**DOVICUM**, Mediolanâ fortunatior, quæ  
 unum **CAROLUM** Borromæum, imò  
 fortunatissima, quia utrumq; simul in u-  
 no Te habitura redivivum Sanctum Pon-  
 tificem **LUDOVICUM CAROLUM**



**CATHEDRA SMOLENSCENSIS;**  
 advolant & ipsa cum Orientis Aquilis,  
 sub Smolenscensis Palatinatûs centuriata  
 Labaro, Ovium Tuarum Corda, quibus  
 utiq; vel à longè adhuc auditus Tuus A-  
 mor addidit alas, interq; festivos plau-  
 sus identidem ingeminant:

*Divis orte bonis, Optime Præfulum,  
 Pastor Gentis abes, jam nimium diu!*

*Maturum reditum pollicitus, Patrum*

*Sancto concilio redi!*

*Lucem redde Tuis Pastor ovilibus!*

*Instar veris enim, Vultus ubi Tuus*

*Affulsit populo, gratior it dies,*

*Et soles melius nitent,*

Hor: l. 4. v. 4.

Ultima tandem, quia Minima JESU So-  
 cietas, cum sua se sistit Universitate Aca-  
 demica, repetitisq; cum profundissimæ  
 gratulationis officio, omnibus præfatis  
 votis, unum de novo suoq; addit: Vive  
 tandiu, æternis PRÆSUL annis Dignif-  
 sime, donec supersint Honores quos oc-  
 cupes, Religio quam fulcias Grande ejus-  
 dem Columnen, Ovium deniq; Tuarum  
 animæ, quas Optimus Pastor pascas; neq;  
 prius



400  
priùs à portu vitæ mortalis solvas, nisi  
tum demum, quando

*In caput alta suum labentur ab æquore retro  
Flumina, conuersis solq; recurret equis*

Ovid. l. i. Trist. El: 7.

Veriora ad extremum & certiora addit:  
donec immensæ æternitatis inundet Pon-  
tus & undiq; Pontus, solusq; intra Em-  
pyrei æternùm felices PORTAS super-  
erit immortalis PORTUS  
HONORUM & Gloriæ.









Biblioteka Jagiellońska



stdr0025833



